

## **2017ko ABUZTUAREN 3ko OSOKO** **BILKURAREN LABURPENA**

### **1.- Aurreko bilkurako akta irakurri eta onestea.**

2017/07/04ko akta onetsi da honako zuzenketekin:

Martinez Urionabarrenechea alkate andereak esan du "Alkatetzaren informazioei" dagokien puntuari buruz, abeltzainekin egin zen bileraren informazioa ematen duenean eta deialdia nola egin zen eta nor gonbidatu zen adierazten duenean, zehazki esan zuena dela "mundu guztiak bilera hau egin behar zela bazekiela eta AU Udal taldeko zinegotzia izateaz gain abeltzain ere baden Oyarzun zinegotziaren komentarioaren aurrean, bera ere bilerara deitu zuela beste abeltzain guztiak bezala.

### **2. EHIZARI buruz bidezko erabakiak hartzea: Ultzamako NA-10.206 ehiza barrutia berritzea, Ehiza Antolatzeko Plana onestea, 2017-2018 Urteko Kudeaketa Plana eta araudia onestea, eta hartu beharreko bestelako erabakiak.**

Ultzamako EH Bildu Udal taldeko Picabea zinegotziak gaia azaldu die bertaratutakoei: aurten ehiza barrutia berritzea egokitzen zitzaigun Ehizaren Foru Legeak markatzen duen epea bete da, eta horren ondorioz barrutiaren onespeneren ondoren Ehiza Antolatzeko Plan berria (EAP) ere onartu behar da. Hau guztiaren dokumentazioa prestatu aurretik, ehiza barrutia Ultzamako ehiztari elkarte batek kudeatzeko saiakera egin zen eta hainbat bilera egin ziren zentzu honetan baina azkenik ehiztariak ez zuten nahi izan, hori dela eta orain arteko formula berdinarekin jarraitzen dugu: udala da ehiza barrutia kudeatuko duena, urtero ehiza arauak onartuko dituena (batzordearekin bilera-akordioa egin ondoren), txartelak kobratuko dituena, eta abar. Barruti berriari buruz, Ingurumen departamentutik informatu dute berehala emango dutela onespena. Behin hau emanda orain onartu behar dugun Ehiza Antolatzeko Planaren proiektua aztertu ahal izango dute. Hau guztiarekin, eta aipaturiko EAP hori idatzi duen teknikariak aurreratu digunez, normalena konponketa eskakizunen bat edo zuzenketaren bat eskatzea da; hori dela eta segur aski onespen hau atzeratuko egingo da. Ezin daiteke ehiza-sasoia hasi departamentuak Ehiza Antolatzeko Plana onartu arte, azkar onartzen badute "debekualdi erdian" ehizatu ahalko da -abuztuaren 15etik aurrera-, baina ez da oso probablea hau gertatzea opor-sasoian baikaude, beraz sasoi ahal denean irekiko da. Aurtengo berritasun gisa, ehiza modalitate guztietarako txartel bakarra egongo dela esan behar da, eta hauen prezioa ezberdina izango da bi ehiztari moten arabera (A eta B).

Agrupacion Ultzama Udal taldeko Herranz zinegotziak hartu du hitza eta ehiza mota guztietarako prezio bakarra duen txartel bakar bat egotearen inguruan eztabaidatu du. Aldi berean, Agrupacion Ultzama Udal taldeko Erviti zinegotziak aipatu du bere taldetik abstenitu egin behar direla, ez zaielako EAP dokumentua helarazi eta hori dela eta ezin izan baitute aztertu, ez dituzte ehiztariak kaltetu nahi, baina ezin dugu onartu aurkeztu ez zaigun eta ezagutzen ez dugun Ehiza Antolatzeko Plan bat. Hori guztia dela eta, behin betiko testua dagoenean beraiei helaraztea eskatu dute.

Udalbatzako kideen artean adostasunik lortu ez dutenez bozketa egin da.

- Aldeko botoak: Martínez Urionabarrenechea, Etxeberria, Doray, Picabea, eta Aranguren.

- Abstentzioak: Erviti, Herranz, eta Oyarzun. Botoaren zentzua justifikatu dute lehen aipatutako arrazoiengatik.

Aurrekoa ikusirik Udalbatzak puntu hau onartu du.

2017-2018 urterako Ultzamako NA-10.206 ehiza barrutiaren Ehiza Antolatzeko Planaren kudeaketa plana onartu da, non bertan aipaturiko sasoirako ehiza arauak ezarrita dauden.

### **3. Ultzamako Udalaren herrilarreen aprobetxamenduak errentan emateko adjudikazioaren prozedura. 2017-2024 aldia. 3. HERRILARREA (Larraitzarko Benta). Esleitzeko erabakia.**

Alkateak gaia azaldu du.

Aho batez erabaki da.

LEHENA- Ultzamako Udalaren herrilarreen aprobetxamendua behin behinean esleitzea, 3. Herrilarreari dagokionean, (Larraitzarko Benta), auzotar eskatzaile bakar baten alde, Pedro Miguel Ezcurra Osacar.

### **4. Ultzamako Larraitzarko Ikastetxeko eraikina eta instalazioak garbitzeko laguntza teknikoa kontratatzeko bigarren espedientea. Esleitzeko erabakia.**

Alkateak gaia azaldu du eta espedientean agertzen diren dokumentuen edukia laburtu du. Zentzu honetan komentatu du kontratazio-mahaiaren baliospen eta irizpena argia izan dela eta Ortiz de Elguea batzordekide teknikoaren txostenean oinarritu dela batez ere.

Aho batez erabaki da.

Eskaintzen balorazioen azken koadroa akta osoan.

## **5. Larraintzarko Benta Zentro Zibikoko garbiketa, atezaintza eta taberna zerbitzua kontratatzeke espedientea Esleitzeko erabakia.**

Alkatea gaia azaldu du.

Idazkariak komentatu du proposamen bat bakarrik aurkeztu dela, bi pertsonen osatutakoa eta, dagokion euskara proba egin ez bada ere, uste du horietako batek ez duela eskatzen den euskara maila; besteak, berriz, titulazioaren frogaagiririk aurkeztu ez badu ere, segur aski eskatzen dena baino gehiago duela. Hori dela eta, kontratazio-mahaiak, esleipenaren momentuan, baldintza gisa jarri zuen beharrezko maila ez omen duen pertsonak denbora-epe batean hartzeko konpromisoa hartu eta horretarako ikastaroetan izena eman zezan eta, era berean idatziz konpromisoa aurkeztu zezan kartelak eta iragarkiak euskaraz jarriko direla.

Agrupacion Ultzama Udal taldeko Herranz zinegotziak hartu du hitza, eta adierazi du sentitzen dutela eskatzen diren baldintza guztiak betetzen dituen eta lan eta zerbitzu egokia egin duen Ultzamako jendea ... eta, zerbitzuak eskertzeko aprobetxatzen dugu... esleipenetik kanpo geratu izana eta lanik gabe EH Bilduri esker. Adierazi du ez zaiela ondo iruditzen lan baldintzetan lehen baldintza gisa, zentruan jendearen arreta eskeintzen duten pertsonen, ahal dela, lehentasunez euskaraz egin behar izatea. Beraz, arrazoizkoena erabiltzaileak edo bezeroak nahi duen hizkuntzan tratatzea dela uste dute, hau inposizio bat izan gabe. Aitzakia gisa ez du balio esatea aurrekoak ez direla auzotarrak. Haiek ezarritako zerbitzua oso ondo bete zuten. Gauzak horrela, Non geratu dira EH Bilduren promesak? Azkenean, kontu berera itzulita: Ultzamako auzotarrak lanposturik gabe geratzen dira Ultzaman. Eta hau ez da hemen geratzen. Horregatik abisatu zuten Ultzamako inongo auzotarrek ezin izango zuela bere bailarako udaletxean lan egin eta horrela izaten ari da eta honek beraien salaketa berriz berrestera eramaten ditu. Hau guztiagatik, proposamen honen beraien aurkako botoa iragarri dute.

Halaber gehitu du, gertatu dena ikusirik, pozik daude ikusirik euskara eskatzen diren postu batzuk badaudela baina ez dela jendea aurkitzen hoietarako. Zentzu honetan, kontsideratzen dute trantsizio bat egon behar dela eta eskaera hau modu gradual batean burutzea, pixkanaka pixkanaka.

Martinez Urionabarrenechea alkateak eta EH Bildu Ultzama Udal taldeko Etxeberria zinegotziak hartu dute hitza eta kontu hauei erantzun diete adieraziz lehen zentro zibikoko taberna eramaten zutenak euskaraz

bazekitela eta jendeari euskaraz kasu egiten ziotela baina beste arrazoi batzuk direla medio ez dute aurkeztu nahi izan. Bere iritziaren arabera euskaldun orok bere hizkuntzan kasu egiteko eskubidea dauka eta are gehiago zerbitzu publiko bat bada eta administrazioak kontratatutako pertsonak badira, eta hau da euskararen legean babesten duena.

Agrupacion Ultzamako Udal taldeko Herranz zinegotziak hartu du hitza berriz eta adierazi du ez dutela EH Bildu Ultzama udal taldearen jarrera ulertzen, non gainera kasu honetan, kontratu den pertsona batek ez baitu eskera hori betetzen. Horregatik bere desadostasuna adierazi du orain mota horretako salbuespenak egitearekin eta ez beste lanpostu batzuetan, neurtzeko makila ezberdinak daudela ondorioztatuz.

Martinez Urionabarrenechea alkate andereak erantzun dio adieraziz Ultzamako EH Bildu Udal talde gisa, egiten ari direnaren arduradunak direla.

Udalbatzako kideen artean adostasunik lortu ez dutenez bozketa egin da.

- Aldeko botoak: Martínez Urionabarrenechea, Etxeberria, Doray, Picabea, eta Aranguren.

- Aurkako botoak: Erviti, Herranz, eta Oyarzun. Botoaren zentzua justifikatu dute lehen aipatutako arrazoiengatik.

Aurrekoa ikusirik Udalbatzak puntu hau onartu du.

LEHENA.- Larraintzarko Benta Zentro Zibikoko garbiketa, atezaintza eta taberna zerbitzuaren kontratua Mirari Leitza Mitxelena eta M<sup>o</sup> Paz Ripodas Aragoni esleitzea.

**6. Oihan aprobetxamendua zuzenean besterentzeko espedientea; haizeak botatako zura: Ultzamako Udalaren herrilurreko Mortua mendiko KOPAGAIN aldean (19b, 37a eta 38a unadak) dauden 55,55 metro kubiko zur zerrategirako eta 83,27 metro koadro enbor txiki.**

Alkateak gaia azaldu du.

Aho batez erabaki da.

LEHENA.- Oihan aprobetxamenduko lote bakarra Juan Manuel Arangoa Aguirreri esleitzea.

**7. Hasiera batez onestea aurrekontuaren 2/2017 aldaketaren Espedientea. Kreditu gerakinak sartzeta eta kreditu bereziak onestea.**

Alkateak gaia azaldu du.

Agrupacion Ultzama Udal taldeko Erviti zinegoztiak hartu du hitza eta honako hau adierazi du:

Lehenik eta behin, ez du partida berri baten sorrera ulertzen, udal aholkularitza juridikorako jada 6.000 euro dituen partida espezifiko bat sortua baitago. Kontu honen gainean idazkariak erantzun dio gastu ezberdinak direla, udal aholkularitza juridikoa lan edo zeregin baten urteko gastu bat dela, baina kasu honetan prozedura judizial konkretu baten udalaren defentsa dela eta Biogas Plantarekin erlacionatutako kontu zehatz batengatik dela gainera. Hori dela eta erabaki da aparteko gastu partida sortzea, honen helburua Biogas Plantaren kudeaketan sortutako gastu juridikoak ordaintzea baita, Udalaren berezko funtzionamenduaren gastuetatik independienteak edo ezberdinak diren gastu juridikoak.

Bestalde, adierazi du puntu honek aditzera ematen dietela abokatuaren minutak, aurreko osoko bilkuretan aurreratu zuten moduan, 6.000 euroak gaingitu behar zituela; horregatik, lehiaketa publikoko prozeduraz egin behar da. Hori dela eta, aurrekontua eta jarraitu behar duten prozeduraren zai daude. Informazio hori izan arte ausarkeria iruditzen zaie, duten informazio gutxiarekin, aurrekontu partida hau onartzea, gehiegizkoa edo gutxiegizkoa izan daitekeelako. Ezin dute baloratu, eta beraz bere Udal taldearen aurkako botoa iragarri du. Kontu honen gainean idazkariak informatu du kontu hau eramango duen abokatuaren kontrataziorako Europar Batasunean publizitaterik ez duten prozedura negoziatua egin behar dela, kontratu publikoen 6/2006 lege foruan agertzen den moduan.

Udalbatzako kideen artean adostasunik lortu ez dutenez bozketa egin da.

- Aldeko botoak: Martínez Urionabarrenechea, Etxeberria, Doray, Picabea, eta Aranguren.

- Aurkako botoak: Erviti, Herranz, eta Oyarzun. Botoaren zentzua justifikatu dute lehen aipatutako arrazoiengatik.

Aurrekoa ikusirik Udalbatzak puntu hau onartu du.

**8. Soberako lurzati deklaratzeko Elordi industrialdean dagoen eta katastroko 188-12 lurzatiari dagozkion 258 m<sup>2</sup>ko lurra, ondoren saltzeko balorazio ofizialaren arabera prezioan, harekin muga egiten duen**

**Iurrari eransteko (Talleres Elordi SL enpresako nabea), IGNACIO ESQUISABEL HERNANDEZ eskatzailearen jabetzakoa baita.**

Alkateak gaia azaldu du.

Agrupacion Ultzama Udal taldeko Erviti zinegotziak hartu du hitza eta adierazi du bere taldetik planteamendu horrekin ados daudela baina onartzen ez dutena eta salatzen dutena da neurtzeko makila ezberdina izatea eta lursailen balioespenetan Ultzamako beste bizilagun batzuei eman zitzaien tratua, eta erreferentzia berezia egin dio Zenozko kontzejuaren aurreko espedienteari, non lurzatiak askoz kantitate handiagoan baloratu ziren.

Martinez Urionabarrenechea alkate andereak hartu du hitza eta erantzun dio balioespena kontu tekniko bat dela eta Udal arkitektoak egiten duela eta ez direla hor sartzen... eta berak ulertzen duenaren arabera lurzatiaren balioa honen erabileraren araberakoa izaten da, kasu honetan industrialak izanik eta ez bizitegi-gunekoa Zenozko kasuan bezala.

Aho batez erabaki da.

**9. Alkatetzak uztailaren 21ean emandako 152/2017 Ebazpena berrestea, Haur Hezkuntzako Lehen Zikloko ikastetxean 2017-2018 ikasturterako onartutako haurren zerrenda, eskola-egutegia eta ordutegia onesteari buruz.**

Alkateak gaia azaldu du.

Aho batez erabaki da.

LEHENA.- Haur hezkuntzako lehen zikloko ikastetxean 2017-2018 ikasturterako eskola-egutegia eta ordutegia onartzea.

BIGARREN.- Haur hezkuntzako lehen zikloko ikastetxean 2017-2018 ikasturterako behin behinean onartutako haurren zerrenda onartzea.

**10. Abeltzaintzako ustategietako mindaren kudeaketa sistema, Ultzamako Biogas Plantari lorturik eta Iraizotz, Suarbe, Gorrontz-Olano, Auza eta Orokietan kokaturik dauden minda biltzeko baltsak erabiltzearen bidez. Kontzeju horiekiko hitzarmenen indarraldia luzatzeko onespina.**

Alkateak gaia azaldu du.

Era berean, alokairuaren prezioari dagokionez, hau, biltegitratutako m<sup>3</sup> bakoitzeko eta hilabeteko 0,10 eurokoa dela argitu da.

Agrupacion Ultzama Udal taldeko Herranz zinegotziak hartu du hitza eta adierazi du bere taldetik beraien iritzia mantentzen dutela eta abstenitu egin behar direla abeltzainei kalte gehiago ez sortzeko. Hala ere, berriz ere errepikatu dute hau ez dela arazoendako konponbidea eta urriaren 6an adierazitako argumentu berdinak mantentzen dituzte. Halaber, ohartarazi dute ingurumen eta kudeaketa eskumena gaur egun udalari dagokiola; baltsen erabilerak ez duela inongo arazorik konpontzen; ulertzen dutela konponbidea EH Bilduk itxi zuen Biogas planta berriz konkurtsora ateratzea dela; eta, Gobernu Taldeak esaten duen bezala, oraindik kudeaketan interesatuak egon litezkeen bi enpresa daude, Bilduk planta utzi duen egoera tamalgarriaren izan arren...; eta, adierazi duten bezala, enpresa hauek aurreko kudeaketa-baldintza berdinetan kudeatzeko prest egongo lirатеke. Azkenik amaitzeko aipatu du ez dutela onartuko Gobernu Taldeak "patata beroa" eta erabakia abeltzainei pasatzea, bereziki gaur egun bizi dugun egoeran.

Martinez Urionabarrenechea Alkateak hartu du hitza eta erantzun dio interesa zuten enpresak, abeltzainekin Plantaren zerbitzuen baldintzei buruz negoziatzeko prest zeudela eta hauek izan direla bere ustategien munda Biogaz Plantara eraman nahi ez dutela esan dutenak. Azkenik eta AU Udal taldeko ordezkariak erakutsitako konparazioari buruzko aipamenengatik eranatzun dio "patata beroa" ez zegoela beroa bakarrik, "erreta" baizik.

EH Bildu Ultzama taldeko Doray zinegotziak hartu du hitza eta kontu honen inguruan gehitu du inongo abeltzainek ez duela onartu mindaren kudeaketan arazorik existitzen zenik eta planta irekitzea eskaini zaiela eta ezezkoa eman dutela.

Agupacion Ultzama udal taldeko Erviti zinegotziak hartu du hitza esanez ez dela azkeneko iritzi horrekin bat etortzen eta adierazi du Biogas Planta itxiko ez balitz ez lirатеkeela orain dauden arazoak egongo eta zalantzarik gabe egongo direnak....

Jarraian bi udal taldeen arteko eztabaida bat egon da, kontu honen inguruko iritzi kontrajarriak izanik, eta ez da inongo termino edo akordiotara iritsi.

Udalbatzako kideen artean adostasunik lortu ez dutenez bozketa egin da.

- Aldeko botoak: Martínez Urionabarrenechea, Etxeberria, Doray, Picabea, eta Aranguren.

- Aurkako botoak: Erviti, Herranz, eta Oyarzun. Botoaren zentzua justifikatu dute lehen aipatutako arrazoiengatik.

Aurrekoa ikusirik Udaltzatzen gai-zerrendako puntu hau onartu du.

LEHENA.- Ultzamako Udalaren eta kontzejuen artean sinatutako hitzarmen eta akordioen iraunaldia luzatzea.

Aipaturiko iraunaldia luzatuko da harik eta gaur egun organismo ofizialak (INTIA, Nafarroako Gobernuak Abeltzaintza zerbitzua) lantzen ari diren ustiategi bakoitzaren behin betiko eta banan-banako hondakinak kudeatzeko plana bukatuta eta egon arte .

BIGARREN.- Halaber, Ultzamako Udalaren eta hainbat abeltzaintza ustiategiren artean ezarritako "ustiategi bakoitzari dagokion mindaren biltegiatze erabilerarako baltsen erabilera lagatzeko hitzarmenen iraunaldia LUZATZEA.

Aipaturiko luzapenaren iraunaldia 2017ko abendura artekoa izango da edo gaur egun organismo ofizialak (INTIA, Nafarroako Gobernuak Abeltzaintza zerbitzua) lantzen ari diren hondakinak kudeatzeko ustiategi bakoitzeko behin betiko eta banan-banako plana bukatu artekoa izango da

## **11. Ultzamako Udalerriaren katastroko balorazioaren txostena berrikusteko proiektua onestea eta hartu beharreko bestelako erabakiak.**

Alkateak gaia azaldu du.

Honi buruz komentatu du ondasun higiezinaren baterako balioa, ponentzia honen arabera, jeitsi egin dela aurrekoaren balio totala kontuan hartuta, baina lurzoru motaren arabera ezberdintasunak daudela... Horregatik, aplikatu beharreko tarifa edo ehunekoari distortsio handirik ez sortzearen (eraikin bakoitzaren balio katastroalaren 0,10aren eta 0,50aren artean) urri-azaroan berraztertuko da, 2018ko ekitaldirako tasak eta zergak jartzeko orduan.

Aho batez erabaki da.

LEHENA.- Batzorde mistoarako izendapenaren ondorioetarako, Udal honen ordezkari gisa Arantxa Martínez Urionabarrenechea (Udaleko Alkatea), Martín Picabea Aguirre (Udaleko zinegotzia) eta Pedro Roman Erviti (Udaleko zinegotzia) izendatzea.

BIGARREN.- TRACASA enpresak egindako Ultzamako udalaren katastroko balorazioaren txostena berrikusteko proiektua onartzea.



Era berean komentatu da dokumentuaren kopia bat bidaliko zaiola Agrupacion Ultzama Udal taldeari eta Kontzeju bakoitzari dagozkion mugaren barruan dauden eraikinei dagokien zatia.

## **12. Alkatetzaren informazioak.**

Ez dago alkatetzaren informaziorik.

## **13. Exekutiboaren kontrola: Aintzat hartzea Alkatetzaren 2017ko 136. ebazpenetik 155.era.**

Agrupacion Ultzama Udal taldeko Erviti zinegotziak, uztailaren 6ko data duen 2017/143 ebazpen zenbakiaren edukari dagokionez, kartel informatiboan (seinale turistikoan) ordainketari buruzkoa dena, galdetu du ea zergaitik egin den honen gastua 2017ko Gaztanberaren eguneko partidatik.

Agrupacion Ultzama Udal taldeko Erviti zinegotziak, uztailaren 21eko data duen 2017/151 ebazpen zenbakiaren edukari dagokionez, huts egindako diru sarreraren adierazpenari buruzkoa dena, erabaki honen zergaitiaren inguruan galdetu du, eta erantzun zaio azkenik berreskuratu behar ez diren sarrerak direla egiaztatu dela eta hori dela eta hobe dela galdutzat ematea, horiek kontabilizatzeko garaian urteroko diru-zaintzako soberakinaren jaiste bat ekartzen duelako.

Agrupacion Ultzama Udal taldeko Erviti zinegotziak, uztailaren 24ko data duen 2017/154 ebazpen zenbakiaren edukari dagokionez, Udalak emandako diru-laguntza eta laguntzei buruzkoa dena, bere harridura eta atsekabea adierazi du "eskuko pilota" kirol eskola diru-laguntzarik gabe geratu delako; honi EH Bildu Ultzama Udal taldeko Etxeberria zinegotziak erantzun dio aurten, laguntza hauen oinarri erregulatuarekin aldaketa bat egin zela, eta berdinasunari, parte-hartzeari, euskararen erabilerari, berrikuntzei bezalako balioei lehentasuna eman zaiela.

Halaber komentatu du proposamenak balioetsi zituen mahaian Ultzamako mankomunitateko berdintasun, kirol eta animatzaile soziokultural teknikariak egon zirela eta beraiek balioetsi zituzten eskaintzak.

Era berean, alkate andereak erantzun dio bera eta Gobernu taldea ere harritu dela eta "Esku pilota" kirol eskola laguntza honetatik kanpo geratu izanak pena eman diela, eta horregatik honen ordezkariekin geratuko dela arazoari konponbide bat aurkitzeko eta

legearen barruan beste prozedura motaren bat artikulatzea laguntza ekonomikoa izateko. Amaitzeko esan du nolana ere gai hau kontuan hartu beharko dugula Ultzamako Udaletik laguntzak eta diru-laguntzak emateko hurrengo oinarri erregulatzailerak egiterakoan.

#### **14. Eskaerak eta Galderak.**

Agrupacion Ultzama Udal taldeko Erviti zinegotziak komentatu du jakin izan duela Loiketako pago oihan aprobetxamendua esleitu zitzaien Manuel Arango Aguirre egurgileak, beraz ateratzeko orduan, hainbat kalte eragin dituela markatuta zeuden zuhaitzak baino gehiago lurrera botaz, eta galdetu du ea Udalak baduen honen berri; honi EH Bildu Ultzama Udal taldeko Doray zinegotziak erantzun dio horren berri izan dutela baina kalteak ez direla hainbestearainokoak izan eta hauek aprobetxamenduaren bukaeran balioetsiko direla eta azkeneko aktan islatuta geratuko dira eta kobratuko zaizkiola.

Agrupacion Ultzama Udal taldeko Erviti zinegotziak galdetu du ea aurten mendi pista berriren bat egin behar den edo gaur egun dauden baten bat konpondu behar den; honi EH Bildu Ultzama Udal taldeko Doray zinegotziak baietz erantzun dio, Mugakosoroko mendi pista konpondu behar dela Donamariako terminoa Ultzamarekin lotzen duena eta halaber komentatu du Eltzaburuko kontzejuak denbora daramala jada konponketa hau eskatzen.